
KOMUNIKADO DI PRENSA

Girobank ta oficialisá su kompromiso ku Liga Pariba, Liga Pabou i Fundashon Pa Nan.

Willemstad- Girobank ta hasi posibel ku e hóbenan di e Liga Pariba i Liga Pabou por sigui práktika e deporte di beisbòl di un forma representativo i tambe ku nan por disponé di e materialnan nesesario pa por praktiká e deporte ku tantu nan ta gusta. Alabes Girobank ta invertí den edukashon di e entrenadó nan pa medio di treinen adekuá. Esaki ta ekipá kada entrenadó ku e konosementu nesesario pa por duna guia i sosten na e hóbenan ku ta keda konfiá den na man.

Manera ya ta konosí, Girobank ta konsiderá di vital importansia pa tur mucha i hóben desaroyá nan mes di forma kontinu riba tereno di edukashon, deporte, arte i kultura. P'esei mes, Girobank ta i lo sigui sostené inisiativanan riba e terenonan aki. Pa renobá nos kompromiso ku komunidad, Girobank a hasi entrega simbóliko di fondo na dirigente nan di Liga Pariba den representashon di tim Montaña Abou, Liga Pabou den representashon di tim Jandoret i tambe na representante di Fundashon Pa Nan.

Girobank ya pa basta aña a bin ta sostené e deportenan di beisbòl i sòftbòl. Girobank no solamente ta haña importante pa e mucha i hóben nan por práktika e deporte di nan eskoho, pero tambe ta importante pa e personanan enkargá pa siña e hóben nan aki ta bon ekipá. Pa e motibu aki e entrenadó nan di Liga Pariba, Liga Pabou i tambe Liga Willemstad lo bai haña un treinen. Fundashon Pa Nan tin e tarea pa ehekutá tur aspekto pa ku e treinen aki. E treinen lo prepará i kapasitá e entrenadó nan pa por atendé ku e deportistanan ku ta forma parti di e liga òf ekiponan. Hopi biaha e hóbenan tin retonan sosio-ekonómiko ku nan ta bin vèlt kuné ku por difikultá nan prestashon den e área di deporte. Na momento ku e entrenadó tin e preparashon korekto e por señalá e difikultatnan aki i atendé nan di un manera mas konkreto i korekto. E treinen ku e entrenadó nan ta risibí lo prepará nan tambe pa por atendé ku e mayornan di e hóben nan aki.

Un palabra di elogio ta bai na kada hóben, mayor, lider, entrenadó, fanátiko ku tur dia di nobo ta sostené e deporte di beisbòl i/òf sòftbòl ya ku esaki ta aportá pa krea un komunidad konsiente di e importansia di praktiká deporte. E karanan kontentu riba e potrèt athuntu ta demostrá e alegría ku kada partido tin pa e aporte risibí for di Girobank.

Ku esaki Girobank ta sigui demostrá ku e ta komprometé ku deporte i nos komunidad.

Final di relato.

Willemstad, 22 di òktober 2015